

歸善縣誌

歸善縣志卷之十五

風俗

上被之為風下成之為俗俗因乎風也列國陳詩
止異其風而貞淫美刺備焉問俗者慨然有先王
先公遺澤之思焉固也說者謂惠之民俗多强悍
蓋趙陀之餘習陀何人哉其風教之殊入人之深
乃若此豈其然乎志風俗第十五氣候方言猺蠻

附

嶺外惟惠俗喜鬪茶

蘓軾記

惠州接壤汀贛奸民實繁

祝允明水記

歸善縣志

卷之十五

風俗

一

鵝城萬雉半入鑑光漁歌樵唱朝夕相聞杭穎之匹誠

亦無愧

楊起元拱北樓記

粵自周元公以提點至王文成以軍旅至其流風餘韻

粵人士至今服習尸祝之

葉夢熊記

惠居五嶺東南羅浮甲於天下重溟環之其民鍾氣於

山大都朴野悃悞故訐訟岸獄鮮而椎魯頑昧或不

免焉

黃佐郡志序

惠俗鮮詐而多質其訟獄無堅根深穴而近情稍一綏

輯即為樂土

楊載鳴郡志論

惠俗樸茂率而之道也易

歐陽鐸學記

元旦 內外夙興設香燭酒果盛服拜天地先祖畢拜尊長少長以齒序拜鄉人交賀三日乃止元旦不得灑掃至五日始掃除謂之送窮

迎春 先日各里社扮戲劇鼓吹導迎土牛縱人觀遊鄉人以牛色辨雨暘以麻豆赤米擲牛云散瘟疫是日啖春餅生菜飲酒慶新春

元夜 自十三 十六各坊 廟門結綵然燈士女嬉遊達曙 花 羅酒餚相聚爲樂或作詩謎俟觀燈者射焉市井 子綵衣鬼面鳴金鼓入人家跳舞索賞十六夜男女嬉遊謂之走百疾

歸善縣志

卷之十五 風俗

二

春社 祈 城中釀錢市酒肴祀神鄉落推牛釀酒羣飲秋社亦如之

清明 插柳於門無貴賤男女同行祭墓東坡謂南海人不作寒食而以上巳日上塚是也士大夫舉族殺牲墓祭比祠祭尤盛祖墓遠者以次舉行至四月八日乃止諺云是日墓門閉也今亦有以清明前祭者大槩新喪必早祭不得過春社

朝拜會 歸善三月二十七日郡中有所祈禱者皆會聚自元妙觀沿街拜至東嶽宮或舁神至人家門男女必羅拜或旣去復故回則又拜以神爲戲今城中

亦不行

俗佛曰 四月初八男女史君子黃皮果葉之類
和粉食謂能却疾

端午 俗於河謂洗龍舟水龍舟自初一至初六於西湖競渡費用甚巨然有禁即止不常爲也博羅龍川河源和平皆同海豐無此惟有艾虎懸門菖蒲泛酒角黍互饋而已

夏至 食犬肉飲荔枝酒助陽氣

六月六日 曝衣

七夕 男女晨起擔水貯之謂之七夕水飲之可以治

歸善縣志

卷之十五

風俗

三

疾先一夕用水盛花露置庭中曉起洗眼謂之洗花水能明目

中元 舊俗惠民多居南雄因元兵將至於十四日預薦祖次日避兵故今猶以是日爲中元節家備酒餚薦褚衣祀先祖

中秋 士民具酒饌會親朋薦新芋婦女則拜月卜祥兆

重陽 拜掃墳墓亦如清明之儀童子放紙鳶

冬至 具粉丸肴核薦祖不交賀

祀竈 臘月二十三或二十四俗言兵三民四祀用紅

菜蕪及果品以甘蔗二莖置竈間云是竈神天梯元旦始去之

除夕 是日親友以儀物相饋以竹枝掃除屋塵更桃符春帖至夜具香燭酒肴奉祖先室神燒炮爇炬聚宴通夕謂之守歲先六日言百神有事於上帝畫幡幢輿馬儀從於楮焚而送之至正月四日乃迎而復之如送之禮於竈尤謹

婚禮 俗用檳榔爲聘以多爲貴或親迎或不親迎各以其便是日婿往婦家請婦母過門或辭或不辭亦各以其便其聘禮粧奩則稱家之豐約爲之婦至門

歸善縣志

卷之十五

風俗

四

必於親好中取福壽兼全者扶之鼓吹競日其迎親爲麒麟獅子獸頭童子戴之擊鼓跳躍極爲喧鬧喪禮 在宋多用鼓樂或作佛事故蘇子有鐘鼓不分哀樂事之句言婚喪皆用樂也歸善之俗沿革不變惟士大夫執禮者遵行邱文莊儀節不用鼓樂俗多行朝夕奠禮或佛事近時尤從簡約親朋往吊答以帛初喪七日一奠至四十九日乃止名曰應七或十日一奠至百日乃止曰應旬葬數載子孫有疾厄則曰葬地獨不利於我清明歲暮發出之甚而剖棺火尸剔肉取骨甘爲殘酷至不忍言其納骨於瓦瓶名

曰金罐或加以美名曰金城遷葬他所仍不利又曰墓爲崇也再出之歲月不吉委之荒榛或失其瓶不知拋棄何地卽有子孫無大患害亦惑於堪輿家數數遷易雖幸免於子婦之手不能免於其孫此則惠俗之最傷於教者仁人孝子宜深戒也

祭禮 舊俗神主設於正寢今多立祠堂春秋祭祀一依朱文公家禮遇忌日素服具奠時俗多重墓祭時節奉薦名曰燒錢

居處 品官崇閣樹坊士庶陶瓦砌甃或爲樓房鄉落多有茅茨土垣者

歸善縣志

卷之十五

風俗

五

服食 衣冠與東南多同惟年節慶賀始一服之餘多布素舊俗有 游飯以鮮脯埋之飯中至則共相笑曰掘得窖子又以雜肴於鍋中烹之名曰谷董羹詩人陸道士爲詩云投膠谷董羹鍋內掘窖盤游飯盃中東坡喜甚親爲書之歸善尋常家食至爲省嗇市中魚肉雖以兩計亦寸斷可售其儉可風也

附氣候方言猺蠻

氣候

蘇軾云嶺南氣候不常吾嘗云菊花開時乃重九涼天佳月卽中秋不須以日月爲斷也李西美廣南養生方

論云嶺南溟海浥潤溫風徐來是謂東南之仁氣瀕海地卑土薄故陽燠之氣常泄陰濕之氣常盛二者相薄寒熱之疾所由作也陽氣泄故四時常花三冬不雪一歲之間暑熱過半臘晴或至搖扇故人氣上壅多汗腠理不密蓋陽不返本而然陰氣盛故晨多昏霧春夏雨淫三伏之內反不甚熱夏陰卽復淒寒衣服之內皆生白醭故人類多中濕體倦脚氣之病蓋陰常偏盛而然故一日之內氣候屢變晝則多燠夜則多寒十府大同小異廣東通志云嶺南諸州通號瘴鄉然郡邑之依山者草茅瘴翳炎氣鬱蒸故爲害也舊志瘴候始於三尸

歸善縣志

卷之十五

風俗

六

止於九月故有青草黃茅桂花菊花之號商旅氓隸觸熱征行與夫飯食失節不善調攝者固自有以取之大抵其熱以蒸炎其寒以風雨其生常早其肅常遲天以陽施地以濕感其常也故曰時皆似夏風噓雨噏雖夏亦寒也故一雨便成冬其生常早如正月華二月蝸螻鳴蚯蚓山黃瓜生苦菜秀之類然生而不刀氣常宣泄也其肅常遲如九月禾乃登十月水始涸蟄虫坯戶草木黃落之類然肅而不嚴氣不收也隆寒見爲祥瑞云天順志云地多暑少寒夏秋間淫雨連日潦水暴漲時有颶風發甚則折

木揚砂數曰方止頗有寒氣襲人又於仲秋季月瘴癘發作人多瘧證野嵐無間冬夏滃然遠近昏翳氣味如硫黃棟宇受其觸其色黯其質朽地濕多白蟻民居率不耐百年家無藏書

方言

惠之方言大率齊韻作灰庚韻作陽如黎爲來聲爲商石爲礫之類與江南同乃出自然益信昔人制韻釋經之不謬亦有陽王不辨之陋如天王寺爲天洋之類謂父爲亞爸亦曰爹母曰亞媽亦曰姐亦曰奶兄曰亞哥弟曰亞泰小厮曰孺音賴子曰崽音宰亦曰仔稱媳婦曰新

歸善縣志

卷之十五

風俗

七

婆子初生曰翁哇仔粉餛曰牒謂午食曰晏晝早食曰食朝晚曰食晚無曰冑亦曰模溪曰開嶺曰兩下雨曰落水走曰行讀若杭走攏曰走埋立住曰企住看曰睇遊玩曰料料君曰肱讀若昆兄讀若馨英讀若恩恩讀若庵且曰扯睡曰困讀若混大都歸善河源龍川其音輕以柔博羅重以急海豐謂粥爲糜屋爲厝近潮多潮音與閩漳泉語相近和平謂母爲哀謂父爲亞公風氣與贛州近語稍類贛至於文字字義各處多有相習而不可解者恆出於通韻海篇之外不特如峯孺圳涌𪔵墩榻不之類卽如以儻爲隣以誕爲誕葉爲華茲爲茲

飛爲飛毛爲毫暨爲槩仔爲子谷爲穀階爲當鞋爲鞣
坭爲泥音爲擊皆土字也又如惟爲莫辨於以不分買
賣混用嘗常互施振展不明至致相淆弗勿莫辨猶同
尤再同最暫同漸已同既恆常忙忘之各謬義二季桂
之互呼皆土音也並字義亦失之矣

猺蠻

猺本槃瓠種地界湖蜀溪峒間卽長沙黔中五溪蠻其
後生息蕃衍南接二廣右引巴蜀縣亘數千里其在惠
龍川縣者爲山猺猺人俱來自別境居深山中椎髻跣
足衣斑欄布褐刀耕火種採實獵毛食盡一山則他徙

歸善縣志

卷之十五

風俗

八

粵人以山林中結竹木障覆居息爲峯故稱猺所止曰
峯性喜讐殺猜忌輕死又能忍饑行鬪左懸長刀右負
大弩手持長鎗上下山險若飛度險則整其行列遁去
必有伏弩兒始能行燒鐵石烙其跟蹠使頑木不仁故
能履棘茨而不傷自信爲狗王後家有畫像犬首人服
歲時祝祭其姓爲盤藍雷鍾句自相婚姻土人與隣者
亦不與通婚猺有長有丁明初設撫猺土官領之俾畧
輸山賦論刀爲準羈縻而已久之稍稍聽征調長鎗
勁弩時亦効功然頗馴伏下山見耆老土人皆拜俯知

云

撫猺士官正統中東莞吏張富興寧人彭伯齡皆以能
拊輯猺黨富授善政里巡檢管廣東惠潮諸猺子孫襲
者三世伯齡授水口副巡檢仍俾世襲伯齡死子玉襲
諸猺訟玉革其職第取其屬一長者董之號撫猺老人
其後興寧練廷爵授職如伯齡例本府歸善河源等邑
皆有撫猺官

蜚其來莫可考按秦始皇使尉屠睢統五軍監祿殺西
甌王越人皆八叢薄中與禽獸處莫肯爲秦意者卽此
八叢薄中之遺民耶以漁釣爲業以舟爲宅語音與土
人微異其籍隸河泊所有長有民歲課計戶驗船徵之

歸善縣志

卷之十五

風俗

九

戶一船船米四石
餘與料皆折銀

其姓五麥濮何蘇吳無他氏土人不

與結婚近亦有土著服食視平民間與下戶通婚姻者
然亦鮮矣蜚人屬籍歸善有河泊所有蜚戶

丙辰志楊載鳴曰夫猺蜚二種錯居山河侶禽獸友
魚鼈先王不棄外焉其來久矣猺猜忌喜讐殺刑法
急之則易動加以姦民與猺峒犬牙者徃徃爲鄉道
利分鹵獲故數侵軼踉蹌篁竹飄忽徃來州縣覺知
則已趕入巢穴官軍不可入自古記之宏治中大望
山胡彭之事可鑒也詳興寧志近年隣峒土豪占奪
猺山反令輸稅巡司假搜捕驚擾者誣盜責賄蓋

屢形愬言蚤尤艱窘衣不蔽膚狹河隻艇得魚不易
一飽故流徙失業者過半而課米取盈見在蚤長復
通悍客舉貸郎一錢計日累百自鬻不已質辱妻孥
河泊官又時朘削之欲不激而亡旦盜難矣良有司
察狃情謹處置擇彼素愛服者聽使撫領而厲科害
之禁度可少戢乎夫魚課本計舟非田賦比也無人
無舟課將安出鹽課無徵者嘗奏豁以續長竈丁兌
補矣不可援比以請乎稅魚苗商舟代蚤米之虛肇
慶固行之矣不然以其籍與課隸之縣如興寧例則
河泊官可裁省也在擇而行之已爾

